

أندب بنوح والله مجروح **بالألم دلالي**

عيوني تركض والمسافه
والحنين أول مطافه
وكلبي من فارغ شغافه
كل شي في دنياه عافه
عطش والدمعة انتظار
منجرح بالانكسار
ما عرف طعم اصطبار
وگام يدور عالصغار

أنزف دموع كلبى موجوع **والحزن موالى**

شهگة احزاني دليلى
ومن أحس النبضة تنزف
تتگاب كل صفة طعنه
ويبتدي موال همى
من يمر هاجس غريب
جمر مسكون بلهيب
تسرح بذكر الحبيب
بالمناحة والنحيب

أجرع هموم دمعى دموم **والوجع سرى**

بيبا عقل تفهم شعوري
شلون يتصور خيالك
والله ما يوزن همومي
وتدري كل دمعه أعلى خدي
وأنى أم وفلاگده
عظم صبر الوالده
إلا مثلى واجده
بعظم حزنى شاهده

دمعى سافح نوحى طافح **وما أحد يبرى لى**

من بعد حرگة خيمنا
والأمل يبست غصونه
ما صفى بداخل فؤادي
گلب تايه في ظلامه
والله خاويست السهر
چنه غيمه بلا مطر
غير نبضات الكدر
وصار ليل بلا گمر

حزن عاشور جمره موجور **وما يفارگ بالى**

فرت اولادي وهجرنى
والحلم جفت أظلاله
والعذاب اللى اعيشه
وحل على راسي بفگدهم
فرح من حزتها غاب
وانگلب هم وسراب
ما مثل سيله عذاب
طير يسومونه الغراب

جفنى محروم فارگ النوم **والله يرحم حالى**

من بعد (ليل احدعش)
زاده جوعه والعطش
بواهج الرمضا اقترش
جسمه بالبرد ارتعش

حضنت اولادي الصحاري
واللي يصيح ضيف صحرا
بلا ظلال يلوذ وسفه
ومن يحل الليل بيها

-آه يحسره- عيالي

في البراري والصحاري

وما بگی بيها ضوی
دي ولجروحي دوی
نغرگ بموج النوی
وما فرد ساعة ارتوی

انعميت عیوني یروحي
وانتو كحل اعیوني یولا
مدري الگاکم ترى أو
وآنا دلالي عطیش

ضیعت آمالي

هالعدابات والشكایات

وعیني تشبج للیتیم
بیي ويهب النسیم
وهمي للحنزن الالیم
ثم علی ضلوعي ومقیم

والله چم دیره أدخلتهها
یمكن الأقدار ترأف
أسكت وأسرح ويردني
والضیاع بداخلي جا

ویا کثر ترحالي

كوفه وي شام بنسوه وايتام

وبیي ما ظلت عیون
بین صفنات الظنون
والله ... أو ما ترجعون
كلبی تنور الشجون

بكل زوايا (الكوفه) انظر
وآنا ما خذني حنيني
ترجعون لحضني یمكن
دموعي جنحان النوارس

ویا عظم أغلالي

چفي مأسور كلبی مكسور

وتدمي الحس الرهيف
تجرح الكلب الشفیف
والصدی يرجع كفيف
ویتدی فصل الخریف

بحة المخنوگ تسري
والصدی سچین عمیه
من تنادي في البوادي
تطبگ چفوف الندامه

یهتف بأطفالي

خوفي كل حين ناعي البین
